

永樂大典

卷二二六 水字

卷二二九 水字

卷二四〇 水字

卷二四二 水字

永樂大典卷之一萬一千一百三十八 八

水 水經十二

水經江水。又東逕餘姚縣故城南。縣城是吳將朱然縣所築也。南臨江。房陵上巨海。夫子所謂滄海浩浩萬里之洲也。縣西去會稽一百四十里。其上。故縣山以名。縣山在餘姚之南。句章之北也。江水又東逕穴湖塘湖水沃其一縣以爲良疇矣。江水又東注于海。是所謂三江者也。故子胥曰。吳越之國。三江環之。民無所移矣。但東南地卑。萬流所湊。濤湖泛決。觸地成川。枝津交渠。世家分夥。故川舊漬。難以取悉。雖粗依縣地。緝繇所經。亦未必一得其實也。又東過堵陽縣。堵水出焉。自上粉縣北流注之。堵水。出建平郡界故亭谷。東歷新城郡。郡故漢中之房陵縣也。世祖建武元年。封鄧晨爲侯國也。漢末以爲房陵郡。魏文帝合房陵上庸西城。立以爲新城郡。以孟達爲太守。治房陵故縣。有粉水。縣居其上。故曰上粉縣也。堵水之傍有別溪。岸側土色鮮黃。乃云可嗽。有言飲此水者。令人無病而壽。豈可信乎。又有白馬山。山石似馬。望之逼真。側水謂之白馬塞。孟達爲守。登之而歎曰。

劉封申耽據金城十里而更失之乎。為上堵吟音韻哀切有惻人心。今水
次尚歌之。堵水又東北逕上庸郡。故庸國也。春秋文公十六年楚人秦人
巴人滅庸。庸小國附楚。楚有灾不救。舉群蠻以叛。欲滅之。以為縣。屬漢中
郡。漢末又分為上庸郡。城三面際水。堵水又東逕方城亭。而東北歷崧山
下。而北逕堵陽縣南。北流注于漢。謂之堵口。漢水又東謂之滂灘。冬則水
淺。而下多大石。又東為淨灘。夏水急。盛川多湍。復行旅苦之。故諺曰。冬滂
夏淨。斷官使命。言二灘阻礙。又東過鄖鄉縣南。漢水又東逕鄖鄉縣南之
西山。山有石蝦蟆。倉卒看之。與真不別。漢水又東逕鄖鄉縣故城南。謂之
鄖鄉灘。縣故黎也。即長利之鄖鄉矣。地理志曰。鄖有閭。李奇以為鄖子國。
晉太康五年立以為縣。漢水又東逕琵琶谷口。梁益二州分境於此。故謂
之琵琶界也。又東北流。又屈東南過武當縣東北。縣西北四十里。漢水中
有洲名滄浪洲。庾仲雍漢記。謂之千齡洲。非也。是世俗語訛。音與字變矣。地
說曰。水出荆山東南。流為滄浪之水。是近楚都。故漁父歌曰。滄浪之水清
兮。可以濯我纓。滄浪之水濁兮。可以濯我足。余案尚書禹貢言導滂水東
流為漢。又東為滄浪之水。不言過而言為者。明非他水決入也。蓋漢河水
自下有滄浪過稱耳。纏絡鄖郢地。連紀鄖咸楚都矣。漁父歌之不遠水地。

考按洲傳宜以尚書為正耳。漢水又東為恨子潭。潭中有石磧洲。長六十八丈。廣十八丈。世亦以此洲為恨子墓父於斯。故潭得厥目焉。所未詳也。漢水東南逕武當縣故城北。世祖封鄧晨子堂為侯國。內有一碑。文字磨滅。不可復識。俗相傳言是華君銘。亦不詳華君何代之士。漢水又東平陽川水注之。水出縣北伏觀山南。歷平陽川逕平陽故城下。又南流注于沔。沔水又東南逕縣城東。又東魯水注之。水導源縣南武當山。一曰太和山。亦曰崑上山。山形特秀。又曰仙室。荊州圖副記曰。山形特秀異於衆嶽。峯首狀博山背爐亭。亭遠出藥食延年者。華焉。晉咸和中。應陽謝允捨羅邑。宰隱遁斯山。故亦曰謝羅山。魯水發源山麓。逕越山陰東北。流注于沔。謂之魯口。沔水又東逕龍巢山下。山在沔水中。高十五丈。廣圓一里二百三十步。山形峻峭。其上秀林茂木。隆冬不凋。又東南逕涉都城東北。故鄉名也。案郡國志。筑陽縣有涉都鄉者也。漢武帝元光元年。封南海守絳侯子嘉為侯國。均水於縣入沔。謂之均口也。又東南過鄴縣之西南。縣治故城南。臨沔水。謂之鄴頭。漢高帝五年。封蕭何為侯國也。薛瓚曰。今南鄉鄴頭是也。茂陵書曰。在南陽。王莽更名南度者也。又南逕穀城東。又南過陰縣之西。沔水東逕穀城南。而不逕其東矣。城在穀城山上。春秋穀伯綏之邑也。

墉閭頽毀。基塹亦存。汙水又東南逕陰縣故城西。故下陰也。春秋昭公十九年。楚使工尹赤遷于下陰是也。縣東有縣令濟南劉意字德怡。魏時宰縣。雅好博古。學教立碑。載生徒百有餘人。不終業而大者。因墓其地。號曰生墳。汙水又東南得洛溪口。水出縣西北集池波。東南流逕洛陽城北。抗洛溪。溪水東南注汙水也。又南過筑陽東。筑水出自房陵縣東。過其縣南流注之汙水。又南沘水流注之。水出梁州閬陽縣。魏遣夏侯淵與張郃下巴。西進軍宕渠。劉備軍沘口。即是水所出也。張華自別道襲張郃於此水。郃敗棄馬升山走還漢中。沘水又東巴西歷巴渠北新城上。庸東逕沘陽縣故城南。晉分筑陽立自縣以上。山深水急。枉渚崩湍。水陸徑絕。又東逕學城南。梁州大路所由也。舊說昔者有人立學都于此。值世荒亂。生徒因依。遂共立城以御難。故城得厥名矣。沘水又東流注于沔。謂之沘口也。沔水又南逕關林山東。本郡陸道之所由。山東有二碑。其一即記關林山文。曰君國者不躋高墁下。先時或斷山崗。通平道。民多病。守長冠軍張仲瑜乃與邦人築斷故山道作此銘。其一郭先生碑。先名輔。字肅成。有孝友悅學之美。其女為立碑于此。並無年稱。皆不知何代人也。沔水又南逕築陽縣東。又南筑水注之。杜預以為彭水也。水出梁州新城郡魏昌縣界。縣以

黃初中。分房陵立筑水。東南流逕筑陽縣。水中有孤石挺出。其下湓潭。時有見此石根如竹根而黃色。見者多山。相與號為受石。所未詳也。筑水又東逕筑陽縣故城南。縣故楚附庸也。秦平郢郢立以為縣。王莽更名之曰宜禾也。建武元年。世祖封吳財為侯國。筑水又東流注于沔。謂之筑口。沔水又南逕高亭山東。山有靈馬。士民奉之。所詣有驗。沔水又東為漆灘。新野郡山都縣與順陽筑陽分界於斯灘矣。又東過山都縣東北。沔南有固城。城側沔川。即新野山都縣治也。舊南陽之赤鄉矣。秦以為縣。漢高后四年。封衛將軍王嬪為侯國。沔北有和城。即郡國志所謂武當縣之和聚。山都縣舊當治此。故亦謂是處為故縣灘。沔水北岸數里有大石激。名曰五女激。或言女父為人所害。居固城。五女思復父怨。故立激以攻城。城北今淪于水。亦云有人葬沔北墓宅。將為水毀。其人五女無男。皆悉巨富。共脩此激以全墳宅。然激作墓工。又云女嫁為陰縣張子家。貨萬金。而自少小不從父語。父臨亡。意欲葬山上。恐兒不從。故倒言葬我着渚水石磧上。張子曰。我由來不奉教。今從語。遂盡散家財作石塚。積上統之。成一洲。長數百步。元康中。始為水所壞。今石皆如半楸許。數百枝聚在水中。張子是前漢人。襄陽太守胡烈有患。化補塞堤決。民賴其利。景元四年九月。百姓刊

石銘之。樹碑於汚水。又東偏淺。冬月可涉渡。謂之友湖。兵戎之交。多自此濟。晉太康中得鳴石於此水。撞之聲聞數里。汚水。又東逕樂山北。昔諸葛亮。婢為梁甫吟。每所登遊。故俗以樂山為名。汚水。又東逕隆中。歷孔明舊宅北。亮語劉禪云。先帝三顧臣於草廬之中。咨臣以當世之事。即此宅也。車騎沛國劉季和之鎮襄陽也。與捷為人。李安共觀此宅。命安作宅銘云。天子命我於汚之陽。聽鼓鞀。而水思庶先哲之遺光。後六十餘年。永平之五年。習鑿齒。又為其宅銘焉。潛水。出巴郡宕渠縣。潛水。蓋漢水枝分潛出。故受其稱耳。今受有大穴。潛水入焉。通崗山下西南潛出。謂之複水。或以為古之潛水。鄭玄曰。漢別為潛。其穴本小。水積成澤。流與漢合。大禹自廣漢踰道。即為西漢水也。故書曰。沱潛既道。劉澄之稱。白水入潛。然白水與羌水合入漢。是猶漢水也。縣以延熙中分已立宕渠郡。蓋古賓國也。今有賓城縣。有渝水夾水。上下皆賓民所居。漢祖入關。從定三秦。其人勇健好歌舞。高祖愛習之。今已渝僻是也。縣西北有不曹水。南逕其縣下。注潛水。縣有車騎將軍馮緄。桂陽太守李溫塚二子之靈。常以三月還鄉水暴。衣別江。出晉壽縣。即潛水也。其南源取巴西。是西漢水也。湍水出酆縣北芬

山南流過其縣東。又南過冠軍縣東。湍水出弘農界翼望山。水甚清徹。東南流逕南鄭縣故城東。史記所謂下鄭也。漢武帝元明元年封左將軍同為侯國。湍水又南。菊水注之。水出西北石澗山。芳菊溪。亦言出祈谷。蓋溪澗之異名也。源傍悉生菊草。澤澗滋液。極成甘美。云此谷之水上。食挹長年。司空王暢。太傅袁隗。太尉胡廣。並汲飲此水。以自餒養。是以君子留心。甘其臭尚矣。菊水東南流入于湍。湍水又逕其縣東南。歷冠軍縣西北。有楚塢。高下相承八重。周十里。方塘畜水。澤潤不窮。湍水又逕冠軍縣故城東。縣本穰縣之盧陽鄉。宛之臨駝聚。漢武帝以霍去病功冠諸軍。故立冠軍縣以封之。水西有漢太尉長史。邑人張敏碑。碑之西有魏征南軍司張詹墓。墓有碑。碑背刊云。白楸之棺。易朽之裳。銅鐵不入。九器不藏。嗟矣後人。幸勿我傷。自後古墳舊冢莫不夷毀。而是墓至元嘉初尚不見發。六人大水蠻飢始被發掘。說者言初開。金銀銅錫之器。未悉雕刻之飾。爛然有二朱漆棺。棺前垂竹簾。隱以金釘。墓不甚高。而內極寬大。虛設白楸之言。空負黃金之寶。雖意同南山。寧同壽乎。湍水又逕穰縣為六門陂。漢孝成之世。南陽太守邵信臣。以建昭五年斷湍水。立穰西石塢。至元始五年更開三門為六石門。故號六門塢也。既穰新野昆陽三縣五千餘頃。漢末毀

廢。遂不脩理。晉太康三年。鎮南將軍杜預。復更開廣。利加于民。今廢不脩矣。六門側又有六門碑。是郃曲主安陽亭侯鄧達等。以太康五年立。湍水又遷穰縣故城北。又東南歷魏武故城之西南。是建安三年。曹公攻張繡之所築也。又東過白牛邑南。湍水自白牛邑南。建武中世祖封劉嵩為侯國。湍水又東南遷安衆縣故城南。縣本宛之西鄉。漢長沙定王子康侯丹之邑也。湍水東南流。湍水注之。水出涅陽縣西北。歧棘山東南。遷涅陽縣故城西。漢武帝元朔四年。封路晨為侯國。王莽之所謂前亭也。應劭曰。在涅水之陽矣。縣南有二碑。碑字黍滅。不可復識。云是左伯豪碑。涅水又東南遷安衆縣。而為陂。謂之安衆港。魏太祖破張繡於此處。與荀彧書曰。繡還五歸師。逼我死地。蓋於二水之間。以為必涉之艱阻也。涅水又東南流。注于湍水。又東南至新野縣。湍水西縣西北。東分為鄧氏陂。漢太傅鄧禹故宅。其奉朝請西亭侯鄧展故宅。隔陂。鄧禹為展宅略存焉。東入于消。均水出浙縣北山南。流過其縣之東。均水發源弘農郡之盧氏縣熊耳山。山南即脩陽葛陽二縣界也。雙峯齊秀。望若熊耳。因以為名。齊桓公邵陵之會。西望熊耳。即此山也。太史公司馬遷。皆嘗登之。縣即浙縣之北鄉。故言出浙縣北也。均水又東南流。注還其縣。下為越南鄉縣。又南流與丹水合。

又南當涉都縣邑北。南入于沔。沔水南達順陽縣西。漢哀帝更為博山縣。漢明帝復曰順陽焉。應劭曰。縣在順水之陽。今於是縣。則無聞於順水也。

章帝建初四年。封衛尉馬廖為侯國。晉太康中。立為順陽縣。西有石山。南臨沔水。沔水又南流注于沔水。謂之沔口者也。故地理志謂之沔水。言熊耳之山。沔水出焉。又東南至順陽入于沔。粉水出房陵縣。東流過鄧邑南。粉水導源東流注上粉縣。取此水以漬粉。則皓輝鮮潔。有異衆流。故縣水皆取名焉。又東過穀邑南。東入于沔。粉水至筑陽縣西。而下注于沔水。謂之粉水。粉水有文將軍冢。墓隧前有石虎石柱。甚脩麗。間丘羨之為南陽莽婦墓側。將平其域。夕患夢文諫止。羨之不從。後羨之為楊佺期所害。論者以為文將軍之崇也。白水出朝陽縣西。東流過其縣南。王莽更之曰朝陽也。為屬信縣。應劭曰。縣在朝水之陽。今朝水逕其北。而不出其南也。蓋邑郭淪移川渠狀。改故名。舊傳遺稱在今也。又東至新野縣南。東入于沔。沔水出此陽東北太胡山東。南流過其縣南。沔水從南來注之。太胡山在北。南北如東三十餘里。廣闊五六十里。張衡賦。南都所謂天封太湖者也。應劭曰。沔水出此陽縣東入。蔡經云。沔水從南來注之。然此陽無沔水。蓋誤引之。壽春此沔耳。余以延昌四年。蒙除東荊州刺史。州治此陽縣故城。

城南有蔡水出南暨石山。故赤曰暨石川。西北流注于沔。非泄水也。呂氏春秋曰。齊令章子與韓魏攻荆。荆使唐蔑應之。夾沔而軍。欲視水之淺深。荆人射之而莫知也。有菑者曰。兵盛則水淺矣。章子夜襲之。斬蔑。于是水之上也。沔水又西。漢水注之。水北出蒗丘山。東流屈而南轉。又南入于沔水。按山海經云。漢水又北入視。不注沔水。余按呂忱字林及難字。爾雅並言灤水在沔陽脉。其川流所會。診其水上津注。宜是灤水音藥也。沔水又西南。歷長岡月城北。舊沔水在會馬仁陂水。水出無陰北山。泉流競湊。水積成湖。蓋地百頃。謂之馬仁陂。陂水歷其縣下。西南竭之以溉田疇。公松引列水流遂斷。故漬尚存。沔水又南逕會口。與緒水枝津合。沔水又南與澧水會。澧水源出于桐柏山。與淮同源而別流西注。故亦謂水為沔水。澧水西北流逕平氏縣故城東北。王莽更名其縣曰平善城。內有南陽都鄉正衛彈勒碑。澧水又西北合澠水。水出湖陽北山。西流北屈逕平氏城西。為北入澧水。澧水又西注沔水。沔水自下亦通謂之為沔水。晉漢光武破甄阜。梁丘賜於沔水西。斬之于斯水也。沔水又南趙澧二渠出焉。沔水又西南流。謝水注之。水出謝城北二源微小。至城漸大。城周迴側水。詩所謂申伯番番。既入于謝者也。世祖建武十三年。封樊重少子丹為謝陽侯。即

其圖也。然則是水。即謝水也。岸下深沒。流徐平時人目之為潯潯水城。成
又以潯潯為目非也。其西城之舊棘陽縣治。故亦謂之棘陽縣也。謝水又
東南逕新都縣。左注北水。又西南流逕新都縣故城西。王莽更之曰新林。
郡國志曰。以為新野之東鄉。故新都者也。又西至新野縣南入于潯。北水
於岡南西南流。成在岡上。北水又西南與南長坂門二水合。其水東北出
湖陽東隆出山之西側。有漢曰南太守胡著碑。于珍騎都尉尚湖陽長公
主。即光武之伯姊也。廟堂皆以青石為階陛。廟北有石堂。琰之玄孫桂陽
太守瑒以延熹四年遭母憂於墓次。立石祠。勒銘于梁。石字傾頽。而梁字
無毀。盛弘之以為樊重之母畏雷室。蓋傳疑之謬也。陸山南有一小山。山
坂有兩石虎相對夾隧道。雖處蠻荒。全無破毀。作制甚工。信為妙矣。世人
因謂之石虎山。其水西南流逕湖陽縣故城南。地理志曰。故蓼國也。竹書
紀年曰。楚王會宋平于湖陽者矣。東城中有二碑。似是樊重碑。悉載故吏
人名。司馬彪曰。仲山甫封于樊。因氏國焉。爰自宅陽徙居湖陽。能治田租
至三百頃。起廬舍。高樓連閣。波陵灌注。竹木成林。六畜放牧。魚鼈梨棗檀
棘桑麻。閉門成市。兵弩器械資至百萬。其興功造作為無窮之巧。不可言。
富擬封君。世祖之少數歸外氏。及之長安受業。廉送甚至。世祖即位。追爵

敬侯。詔湖陽爲重立廟。置史捧祠。巡祠章陵。常幸重墓。其水四周城。溉城之東南。有若令樊萌中常侍樊安碑。城南有數碑無字。又有石廟數間。依于墓側。棟宇崩毀。惟石壁而已。不知誰之冑族矣。其水南入太湖。湖陽之名縣。藉茲而納稱也。湖水西南流。又與湖陽諸陂散水合。謂之板橋水。又西南與醴渠合。又有趙渠注之。二水上承派水。南遶新都縣故城東。兩瀆雙引。南合板橋水。板橋水又西南與南長水會。水上承唐子襄鄉諸陂散流也。唐子陂在唐子山西南。有唐子亭。漢光武自新野屠唐子鄉。設湖陽尉於此地。陂水清深。光武後以爲神淵。西南流于新野縣。與板橋水合。西南注于泚水。又西南流注于清水也。淮水出南陽平氏縣胎簪山東。北過桐柏山。山海經曰。淮水餘山在朝陽東義鄉西。尚書導淮自桐柏。地理志曰。南陽平氏縣。王莽之平善也。風俗通曰。南陽平氏縣。桐柏大復山在東南。淮水所出也。淮均也。春秋說題辭曰。淮者均其勢也。釋名曰。淮。韋也。韋統楊州北界。東至于海也。爾雅曰。淮爲潁。然淮水與醴水同源。俱導西流爲醴。東流爲淮。自潛流地下三十許里。東出桐柏之大復山南。謂之陽口水。南即復陽縣也。關駟言復陽縣。胡陽之樂鄉也。元帝元延二年。置在桐柏大復山之陽。故曰復陽也。東觀漢記曰。朱祐少孤。歸外家復陽劉氏山。

南有淮源廟。廟前有碑。是南陽郭苞立。又二碑。並是漢廷熹中守令所造。大辭鄙拙。殆不可觀。故經云。東北過桐柏也。淮水。又東逕義陽縣。縣南對國成山。山有水注流數丈。洪濟灌山。遂成巨井。謂之石泉水。東流注于淮。淮水。又逕義陽縣故城南。義陽郡治也。世謂白茅城。其城圓而不方。關駟言。晉太始中。割南陽東鄙之安昌平林平氏義陽四縣。置義陽郡于安昌城。又太康記。晉書地道記。並有義陽郡。以南陽屬縣為名。漢武帝元光四年。封北地都尉衙山為侯國也。有九渡水注之。水出雞翅山。磧澗潛委。澗溯九渡矣。其猶零陽之九渡水。故亦謂之為九渡焉。於溪之東山有一水。發自山椒下。數丈素湍。直注頽波秀壑。可數百丈。望之若靡幅練矣。下注九渡水。九渡水又北流。注于淮。東過江夏平春縣北。淮水又東。油水注之。水出縣西南油溪。東北流。逕平春縣故城南。漢和帝建初四年。封子全為王國。淮水又東。曲岸北有一土穴。徑尺。泉流下注。澗流波三丈。入于油水。亂流南屈。又東北注于淮。淮水又東北逕城陽縣故城南。漢高帝十二年。封定侯吳竟為侯國。王莽之利新也。魏城陽郡治。淮水。又東北與大木水合。水西出大木山。山即晉車騎將軍祖逖。自陳留將家避難所居也。其水東逕城陽縣北。而東入于淮。又東北流。左會湖水。傍川西南出窮溪。得

其源也。又東逕安陽縣故城南。江國也。麇姓矣。今其地有江亭。春秋文公三年。楚滅江。秦伯降服。出次曰。同盟滅。雖不可救。敢不矜乎。地理志曰。漢乃縣之。呂后八年。封淮南屬王子劉勃為侯國。王莽之均夏也。淮水又東得澗口水。源南出大潰山。東北流。翼帶三川。亂流北注。澗水。又北逕賢首山西。又北出東南。屈逕仁順城南。故義陽郡治。分南陽置也。晉太始初。以封安平獻王孚。畏子望。本治在石城山上。自梁希侵逼。徙治北城。齊司州刺史馬鮮卑不守。魏置郢州也。昔帝珍奇自懸。執遣三千騎援義陽行。事龐定光也。于澗水者也。澗水東南流。歷金山北。山無樹木。峻峭層峙。澗水又東逕義陽故城北。城在山上。因倚陵巔。周廻三里。是郡昔所舊治城。城南一十五步。對門有天井。周一百餘步。深一丈。東逕鍾武故城南。本江夏之屬縣也。王莽之當利縣矣。又東逕石城山北。山甚高峻。史記曰。魏攻寘阨音義曰。寘阨或言在郢縣箱山也。案呂氏春秋。九塞其一也。澗水逕郢縣故城南。建武中。世祖封鄧邯為郢縣侯。蘇林曰。音育。澗水。又東逕七井岡南。又東北注于淮。淮水又東至谷口。谷水南出。解金山。北流至。瑟水注之。水出西南。具山東北。逕光淹城東。而北逕青山東。羅山西。東北流。注于谷水。谷水東北入于淮。又東逕新息縣南。淮水東逕故息城南。春秋左

傳隱公十一年。鄭息有遺言。息侯伐鄭。鄭伯敗之者也。淮水。又東逕浮光山北。亦曰扶光山。即弋山也。還新息縣故城南。應劭曰。息後徙東故加新也。王莽之新德也。光武十九年。封馬援為侯國。外城北門內有新息畏賈彪廟。廟前有碑面南。又有魏汝南太守程亮碑。魏太和中。鑿田益宗効城立東豫州。以益宗為刺史。淮水又東合慎縣水。水出慎陽縣西。而東逕慎陽縣故城南。縣取名焉。漢帝十一年。封樂託為侯國。潁陰劉陶為縣長。攻此下民。見思如此。應劭曰。慎水所出。東北入淮。慎水又東流積為熊陂。陂水又東南流為上慎陂。又東為中慎陂。又東南為下慎陂。皆與潁鄆陂水散流。其陂首受淮川。左結潁陂。漢成帝時。隗方進奏毀之。建武中。汝南太守鄧晨欲脩復之。知許偉君曉知水脉。召與議之。偉君言成帝用方進言之。尋而夢上天。帝怒曰。何故敗我潁子淵。是後民失其利。時有童謠曰。敗我陂。翟子威。及子覆。陂當復。明府興。復廢業。童謠之言。將有徵矣。遂著都水掾。起塘四百餘里。百姓得其利。陂水散流下合。慎水而東南逕息城北。又東逕南入淮。謂之慎口。淮水又東與申陂水合。水上承申陂於新息縣北。東南流分為二水。一水逕深丘西。又屈逕其南。南派為蓮湖水。南流

注于淮。淮水又左迤流結西湖。謂之東西運湖矣。淮水又東右壑水。水出白沙山東北。逕柴亭西。俗謂之柴水。又東北流與譚溪水合。水發譚谷東北流石會柴水。柴水又東逕黃城西。故弋陽縣也。城內有二城。西即黃城也。柴水又東北入于淮。謂之柴口也。淮水又東北申陂枝水注之。水首受陂水于深丘北。東逕釣臺南。臺在水曲之中。臺北有琴臺。又東逕陽亭南東南合淮。淮水又東逕淮陰亭北。又東逕白城南。楚白公勝之邑也。又東北去白亭一十里。淮水又東逕長陵戍南。又東青陂水注之。分青陂東潰東南逕白亭西。又南于長陵戍東。東南入于淮。淮水又東北合黃水。水出黃武山東。北流木陵關注之。水導木陵山西北。流注于黃水。黃水又東逕晉西陽城南。又東逕南光城。南光城郡治。又東北逕高城南。故弦高國也。又東北逕弋陽郡東。有虞丘郭南有子相廟。黃水又東北入于淮。謂之黃口。淮水又東北逕褒信縣故城南。而東注流之者也。又東過期縣北。縣故蔣國。周公之後也。春秋文公十年。楚王田于孟諸。期思公復遂為司馬。楚滅之以為縣。漢帝十二年。以封貢赫為侯國。城之西北隅。有楚相孫叔敖廟。廟前有碑。淮水又東北淠水注之。水出弋陽縣南。崑山西北流歷陰山關。逕二城間。舊有賊難軍所頓防西北出山。又東北流逕新城戍東。又東